



17357

I

Mag. St. Dr.

P

*Miszynski Sch: Titulomacra p[ri]us mansus
Petr. Tilius, Episc. Crac.*

PANEG. et VITAE

Polon. 4^o

AE 1042.

Biblioteka Jagiellońska



stdr0002315

P. 5. 420

TILICIOMNEMA
PIIS MANIBVS

ILL^{MI} AC REV^{MI}

PETRI TILICI
EPISCOPI
CRACOVIE.

DVCIS
SEVERIEN.



A

SEBASTIANO MICZYNSKI

Art. Lib. Magistro, & Philosophie Doctore

factum, ac consecratum.

IV. Id. Sextil. cis. 156. XVI.

CRACOVIAE,

In Officina LAZARI, Matthias Andreouien,

excussit, A. D. 1616.

Sic stata Fatorum series sanxit.



17357 I
Pristina Maiestas Soliorum in Sceptra superba
Effluxit. Reges his sua iura probant.

Lechiacum, Regnis, cum gestet Sceptra Lyceum
An par? si videas, rem bene, maius erit.
Sceptrigeri sua Doctrinæ, quia colla Dynastæ
Submittunt; huius nonné agè maior honos?

INCLYTÆ MATRI
ACADEMIÆ
CRACOVIEŒ.

SEBASTIANVS MICZYŒSKI
inscribo, & dico.



VM PETRO TILICIO EPISCOPO
CRACOVIEŒ. DVCI SEVERIEN. Iu-
sta facio, veròq; PARENTI nostro pa-
rento, memoriam PIIS MANIBVS ipsi-
us factam ingenij mei monumentis in
lucem emitto; Et tuum & ACADEMIA mea audeo no-
men vsurpare, apud quam feci. Laudes nescio an la-
chrymæ sint; sed TILICIO fusæ, & in tuum amatis ac
lugentis sinum, TILICIVS tuus fuit, Et tu TILICI. Cur
tuus ille? Oratio mea indicat. CANCELLARIVS tuus
fuit, te quàm ornatissimam, & integerrimam semper es-
se, studuit: pro tuis aris, laude, salute, cum liuidis, &
susurronibus acerrimè depugnauit. Cur tu illius? Pu-
blici Boni amans fuit, à te quæ mater es, aut sedes an-
tiqua virtutum, & scientiarum omnia proficisci vidit
in vsum Religionis Catholicæ Romanæ, in vsum, atq;
ornamentum Boni publici, in tam pertinaci studio eru-
diendæ

diende iuuentutis sola ferè mercede à consciētia. Præ-
tere à dotes in eo amasti, coluisti, quas b.c. adorno, & in
ipso Orationis vestibulo legi volo,

STIRPEM,

ERVDITIONEM,

VIRTUTEM,

DIGNITATEM.

quem & nunc non sine effectū adfectū video,
dum diligis vmbra

Et colis exequias.

Nam & Sollennia ista funeris, curæ tibi fuerunt: quia
vt Laudes è vinis expuncti publicè legerentur, aut au-
direntur, effecisti. Quare ô Inclÿta ACADEMIA mea
accipe hasce lacrymas, siue mauis Laudes TILICITUI,
velut animi cultus q. mei æternum in te pignus; & me
radio beneuolentiæ tuæ ad maiora dirige, attolle, pro-
uebe. Ego quicquid est in me ingenij; quicquid viri-
um, in vsum, in cultum, in laudem tuam, tuorumq.
consecro. Viue & vale. E Contubernio Philosophorum
IV. Idus Sextil. C12. 12 C. XVI.

Grati simus in eius morte de-
corandâ, cui nullam iam aliam
gratiam referre possumus.

Cic Phil.
ix.



Vatum publicum ferali Pompâ Vri
NOBILISSIMI, non more, sed
mœrore, & affectu pio in morte Ill^{mi}
& Reu^{mi} PETRI TILICII Episcopi
Cracouien. instauramus, dum iusta
soluimus; & verè

Diuini ossa Parentis.

Condimus

terrâ; simulq; quicquid nobis lætum, aut volupe
fuit. Reuera enim, à leto huius Magni Herois o-
mnia læta videntur nobis adempta. Bruti primi
Consulis Romæ: & Boleslai primi Regis Regni no-
stri olim in Poloniâ obitus quasi vnus anni funus,
& luctus fuit: nobis hæc iusta magnis heu TILICI
vnus MANIBVS debita erunt non *Sollennia*, sed
Perennia. Scilicet; & abitus ipsius à nobis æternum
est ô Sarmatia tibi, æternum nobis funus. Hoc Di-
uina eius virtus: hoc animi rectitudo: hoc pietas
in Patriam: hoc

Poscit & ANTIQVIS MORIBVS apta fides:
hoc deniq; merita in *Bonum Publicum*. Vixit ille;

A 3

& vti-

& utinam diutius vixisset? Vir enim fuit: immò
Heros fuit, quem aut omnibus seculis nasci oportuit,
aut nunquam denasci. Sanè ô *Patria* meâ in
tuo discrimine suum discrimen censuit; suam salutem
in tuâ salute: propter te non excubias modò
egit, sed etiam toties laterum oppositus: Academia
nostram contra omnes assurgentes insultus propugnauit:
nos alios amauit, aliis benè fecit, benè voluit. O desiderium extincti! virum certè, virum
ab aureo æuo, in quo cum priscâ doctrinâ, prisca
religio, prisci, & aurei mores, amissimus. Religio
quidem illa ex sensu, & ritu veteri, assertorem, &
defensorem: Sarmatia in rebus afflictis ac penè prostratis
fulcrum, & ornamentum: Clerus Episcopum: Senâus propugnatorem:
Equester ordo patronum: Academia Cancellariû, & tutelare quoddam
Numen: *TILICII* nobilissimæ suæ gentis Columnen,
& Lumen: nos alii tutorem: alii insigne virtutis,
& Prudentiæ exemplar. O fallaces spes nostras,
& incerta vota! Siccinè optimos

— *quosq; rapit dura inclementia fati?*

Scilicet hoc vnum restabat attritis infelicis Sarmatiæ
rebus, vt *PETRVS TILICIVS*, in quem intuens
omnium quas excepit acerbitatum deponebat memoriam,
acerbâ atq; inopinâ mortē caderet. Et ecce cecidit,
Gente nobilissimus, famâ optimus, animo præ-

mo præstantissimûs; sed etiam virtute, eruditione,
dignitate maximus, & clarissimus: talis & tantus
heu cecidit! libertatis amator & *Boni Publici*, à
primâ iuventâ magnus in omni re, consilio, virtu-
te, cecidit.

Luctus iungite luctibus:

Fletus addite fletibus:

Planctus necitate planctibus;

& reddite ei piâ memoriâ vitam, qui pro nobis at-
tritus laboribus vitâ orbus iacet. Pietas fidesque
exposcit.

Flebile Supremi funeris officium

mæsta voce, stiloq;: Ego facio re, ac verbis; & quem
vixus suspexi, è viuis expuncti MANES piâ memo-
riâ prosequor. Haud fas quidem lugere & dolere
in morte talis, & tanti viri, quem

ardens euexit ad æthera virtus;

præsertim cùm hoc ipsum sic à PROVIDENTIA, &
Fato, cuius prima lex est: *Stare decreto*: sed tamen
vulnere tam graui accepto in tam dubiis, & formi-
dolosis nostræ Sarmatiæ rebus, immanem quan-
dam duritiam esse reor, non flere, aut moueri. Vi-
rorum enim Illustrium & Magnorum, quorum vita
vtilior visa, mors nunquam non acerba videri po-
test: vt potè in quorum salute & vitâ, salus vitâq;
Boni & Publici & Priuati sita. Et hinc ego do la-
crymas,

erymas, ab animo veluti fonte, do laudes magni doloris indices; sed ita do, vt hunc ipsum luctum, atq; dolorem, gratâ breuiq; commemoratione virtutum, ac laudum nostri ANTISTITIS TILICII in vobis leuem. Profectò enim, non tam à nobis ablatuſ, quàm ab Æterna & Supremâ illâ VITA euocatus videbitur, ad meliorem vitam. Namq;

Virtus recludit immeritis mori

Cælum.

Ergo iam VIRI NOBILISSIMI adeste; mentem afferte & fidem: illam pronam; & istam promptam: adeste vos quoq; MANES gloriosi, & vocis meæ pietatem, quâ facio funebrem repentinæ laudationis honorem excipite.

À lacrymis ordior, & præficam lugubri carmine Musam ipsam facio querulâ voce, immò hornâ voce Nænian facio.

Musa sume lynam doloris vdo

Plenam murmure: tibiam q; prome

Aptam lugubribus Sacris, modisq;

Quippe delicias Loquella suetas

Odit; & Pietas obire gratæ

Mentis officium iubet. Dies hic

Haude est letitia: est feraliorum

Atrâ imagine vulnus, atq; funus.

Heu! magnum, miserum, atq; luctuosum

Funus.

Funus. TILICIVS PETRVS virorum
Ille Maximus, Optimusq; Mystes,
Antistes tuus, Urbs Beata Craci,
Et Custos Patriæ, Paterq; verus,
Publici q; Boni vigil Senator
Occidit. Sophiæ decus vetusta
Et Suadæ cecidit. Parens ab æuo
Prognatus veteri, ipse moris, atq;
Virtutis veteris: vetustiorum
Gnarus artium, amansq; ritè veri,
Et sensus Fidei vetustioris.
Dunum ô præcipitis necessitatem
Fati! quæ violenter æterni
Carpit exuvias viri. fuisset
Cuius hîc honor, & beata cum
Privatis simul esse Publicisq;
Rebus præsidium: bonos tueri:
Malos opprimere: ac fouere Diuas
Fontis Castaly, Diamq; Themis.
Occidit columen decusq; Regni,
PETRVS TILICIVS: dolete Ciues
Ciuem perdidimus, Rei q; fulcrum
Publicæ. Fuit ille dignus annis,
Quos fertur placidos obisse Nestor:
Quos Titonia computat Senectus.
Quis desiderio pudor modusuc

B

Sit ca-

*Sit cari Capitis, Viri q; magni?
 Largo proluitur dolore pectus,
 Et sulcos lacrymæ replent, pium q;
 Laborem violant. Quid ergo? Cesso:
 Non totum lacryma hauriet dolorem.
 Vos mecum querulam mei Poloni
 Vocem fundite. Triste nempè nobis
 Funus TILICIVS PETRVS virorum
 Ille Maximus, Optimus q; Mystes,
 Antistes tuus Vrbs beata Craci,
 Et Custos Patriæ, Pater q; verus.
 Publici q; Boni vigil Senator.*

*Sed induciæ paulisper doloris sint, dum infelict e-
 loquio, quale oblitum singultibus pectus solet eli-
 quare laudes pango, veluti ex vberi messe pauculas
 spicas in solatium. PETRVM TILICIVM dum no-
 mino, totum nescit, quisquis audit: quia sine titu-
 lo magnus fuit, & talis tantus q; vt esse apud omnē
 posteritatem pergat*

*STIRPE,
 imprimis; sed magis ERVDITIONE,
 VIRTUTE,
 DIGNITATE.*

*Stirpe dico: quippe interest, & de iis talibus spes
 omnino maior melior q; qui ab hac meliori & præ-
 stantiori, dum origo nescit deficere quæ consuevit
 radicitus pullulare. Non defecit in nostro TILICIO.*

Etenim

Etenim nobilissima Gente Wieliciorum ortus, & nobilissimis atque optimis parentibus ANDREA WIELICKI, & HEDVIGI BIELSKA natus, sub tem-
pus exoriētis Solis instar Solis in Polonia luxit, & accepta à maioribus luci, tantā lucem, suā addidit luce, vt nihil ab ipsis accepisse omnia attulisse videatur. Remotā inuidiā, Posterī magis hoc dicent, vix credituri canescentibus demum *Naturæ* annis tantum virtutis decus affulisse; sed enim affulsit, & exemplo ostendit omni æuo nasci viros bonos, & viuere. Neq; id difficile fuit. Videlicet ab ipso in-
euntis æui flore, accessit illi diligens & recta institutio, radix atq; crepido cui firmiter, id quicquid est reliquum vitæ, insistat. Alta indoles eius iam tum alta spectauit & honesta. Namq; aptus per ætatem, honestis disciplinis operā dedit, quibus vnāq; pulchris moribus diligenter domi excultus, Cracouiam missus in Academiam matrem virtutum scientiarum & elegantiarum, aut sedem, non in lusi-
bus, iocis, ocio, (vt modernum solet vulgus) sed rebus in seriis, animi contentione, labore florem æui transegit. Tradiderat hīc suam illam ætatem rudis adolēscientiæ formatoribus doctis, vt fingentium quodam modo sequeretur manum, in varias virtutum ducentem formas. Non puduit ipsum paulisper se demittere, vt semper excelsa teneret:

non parere, vt semper imperaret. Indignus alto qui
nunquam se demisit: qui nunquam paruit, imperio
indignus. Non puduit inquam ipsum parere viris
optimis, ac doctissimis; & non seruilis aliqua for-
mido: sed cultus honesti filiale iuuenis exprimebat
obsequium. Hinc illa in virtute, & literis assidui-
tas, vt cui non dies solum, sed horæ, sed puncta ap-
penſa semper, & numerata fuere. Non ardorem si-
bi, non industriam alter præripuit. nititur cōnititur
eouſq; æmulus, donec & ipse æmulandus extiterit.
Inter sui similes, semper dissimilis, vt laboris susce-
pti alacritate: ita honore virtutis perceptæ. Creuit
in eo cum ætate doctrina, & virtus, quò senior eò
perfectior. Etenim hîc in hoc publico doctrina-
rum epulo

————— *quæ natura negauit*
Visibus humanis, oculis ea pectoris hausit

id est scientiam de natura, temporum ratione, situ
terrarum, populorum institutis, ingeniis, moribus:
ius vtrumq; , historiam sacram, & profanam, nouam,
& veterem, domesticam, & externam: hausit, ratio-
nem vitæ formandæ, gubernandæ Reipublicæ, dan-
dorum, & capiendorum magnis de rebus consilio-
rum. Deniq; illam cui hæc omnia alliges Diuinam
Theologiam; & ex his omnibus, experientiam pe-
nu virtutis, & prouidentia, quam alij

seru

————— *seris mercantur ab annis.*

Et quis in eo hæc quæ dico, dum viueret, non vidit, nisi cui in claro & illustri Sole meridies est notis? Fuit in eo iuvene, sed iuvene viro varia doctrina: fuit virtus matura semper, & planè virilis: ut ætatem quodam modo, in sua desideres ætate, floremq; ultra floridū stupeas seculum, ob Pietatem, & Probitatem utraq; singulares, utraq; eximias. Prior mehercle in corde magis ipsi fuit quàm ore; nec enim purum & mysticū Religionis nostræ Catholicæ liquorem corripit veteri aliquâ, aut nouâ olenti fece; sed à maioribus hominibus religiosissimis ante doctrinam hanc spernentem diuos, natis acceptum puro, pioq; sensu, ac ritu coluit, & Numen Diuinum non solum adorauit; verum & adornauit laude, prece, cultu: idq; prisco more. Posteriorem verò factis magis quàm specie exercuit: nihil opinionis causa, omnia conscientia fecit:

————— *Turpi secreuit honestum,
Non verbis, sed re, sed vitâ & pectore puro.*

Rectus ille semper, & indies sui similior: nihil nisi arduum, nisi excelsum, speiq; plenum cogitauit. Talem reuera esse oportuit, quem non fortunæ cæca varietas, non iudicium vulgi mobilis, non erronea alicuius autoritas, sed Coelum ipsum, ipsa Natura virum Reipublicæ procreasset. Et iam tum in ipsâ iuuentâ Magni Senatoris elementa exhibuit:

dum sibi virtutis assignaret cùrricula : dum Reipublicæ cogitaret præsidia : dum ætatem ætatisq; exueret studia, se Ciuem Patriæ optimum paraturus. Magnum certè florenti dedecus ætati præclaro hoc exemplo impressum est, cum iuuenis ingenitos impetus, frenauit iudicio : temeritatis aculeos, consilio repressit : feruorem iuuentæ, maturitate restinxit : virilibus artibus, ignes iuueniles sopiuit : in ijs deniq; quæ id æuum abripere vulgò assolent, animum prætulit senilem. Deum immortalem quanta in hac ætatis intemperie temperantia ! Non vis cum aliqua, non supplicij rexit formido, non disciplinæ iugum impositum : animus generosus cum duci se patitur, trahi non patitur. quid ergo ? bona mens, ratio recta, & à Deo directæ, à Fide illustrata, quam ille vt Theseium secutus filum domuit cupidines, & exultantes animi motus : illecebras libidinumq; fomites refecuit : insidias illius blandæ Dominæ *Voluptatis* dico, cauit ac fugit, vnaq; Acheloidum cantus, verissimum illud ratus : *Animo per libinem corrupto nihil bonestum inesse*. Atq; ita per inculta vepribusq; horrida loca, contendit ad arcem *Continentiæ*, seq; purum in iuuentâ seruauit, purum in omni ætate. Pondus mihi & autoritas ab ipsiusmet verbis ad suos frequentibus esto : *Olim & nunc continentia rara & à quâ non affectu duntaxat aut affectu*

Tacit. xi.
Ann.

aspectu plerique abeunt, sed specie etiam virtutis; præsertim in his regionibus nostris ubi immanis ingluviens dominatur; rara inquam sed cara & insignis virtus. Expertus cum iam id ætatis sim dico: quisquis

Integer vitæ scelerisque purus,

præcipue incôtentis feminarum gregis annum ætatis vigesimum attigerit, hunc reliquo totius vitæ suæ curriculo securiorem futurum ab hoc Circeopoculo, & alta atque Diuina semper cogitaturum, quæ mortalis attingere non potest, nisi omissis corporis gaudijs, quæ propria libidini, in sordidis cogitationibus, & in cæno suo hærenti. Ab hac scaturigine magnus illi animus, & facere, & pati fortia paratissimus: quem nulla vnquam fortuna aut extulerit, aut depresserit; quem etiam Reipublicæ ut illius limen attigit largiendum censuit. Nec frustra ab eo expectes messem qui in vere iuuenili fecit sementem. Sementem dico *Virtutis & Doctrinæ*: quod hæc sine illa damnosa; illa sine hac parum decora, aut ornata; iam enim in ætate maturiori contulit se in eum locum ubi veluti in amplissimo theatro sua virtus excurrere probarique posset industria. Serenissimi Sigismundi Augusti Regis *Aulam* intelligo, quæ fuit optimorum ingeniorum campus, palestra eruditionis, studium gloriæ, Lydius lapis virtutis, ac constantiæ; & hic reddituum publicorum rationibus incubuit gnauiter, & dili-

& diligenter cum amore ac veneratione omnium,
& commodo *Ærarij Publici*. Vixit enim, & munus
suum obiuit absq; suspicione auaritiæ, aut querela.
iuxta illud ad immortalitatem gloriosum: *Omnibus
prodesse: nemini nocere*: Rem breuiter noto. Cu-
iusdam vitæ functi, bona fortunaſq; florentes à Re-
ge sibi Caduco iure (vti vocant) meritò data, que-
relas, & notam auaritiæ fugiens, iam accepta resti-
tuit ijs, ad quos minùs pertinere videbantur: ratus
non esse pulchrum, aut commodum alienis ditescere
incommodis. Ita me Deus amet, hæc virum o-
lent, immò Heroëm. Vno verbo, vix alium tantâ in-
dole, aut virtute Polonia nostra habuit. Altè hoc
imprimite, quoscuq; talium assidua excoquit cu-
ra; & hominem supra homines positum nè detre-
ctate imitari. Non iurè sic loquar? Altus ille in hac,
altus in omni virtute. Pompa, & ambitio plerosq;
sæpe abducunt; præsertim in secundo rerum hu-
manarum cursu, ætate, ingenio, nobilitate, gratiâ
Principum; & quod Poëta ait.

*Nos vilis turba caducis
Deseruere bonis, semperq; optare parati
Spargimur in casus.*

Hic in virili iam flore diuina quadam celsitate præ-
ditus, isthæc puncto temporis vniuersa despexit, re-
pudiavit, abiecit; & vt nihil, nisi summum eligeret

Sacra

Sacra placuere, sanctisq; Altaribus purum admouit
Sacerdotem adscriptus in amplissimum Collegi-
um Canonorum Ecclesie Cathedralis Cracouien.
quod est Seminarium Episcoporum. Quo porro
consilio id fecit? eo sanè vt per eam vitam, quæ à
mundo, & mūdānis abstrahit, ad cœlum & cœlestia
aditum haberet, & Patriæ commodiùs prodesset su-
am operam deposcenti. In hoc munere atq; digni-
tate pie, continenter, iustè, atq; adeò ad normam in-
tegrī perfectiq; Sacerdotis vixit, vt nomen priùs,
quàm quæsiuit, inuenerit. Profectò hîc iam in cla-
ra luce occœpit

————— *Virtutem extendere factis;*
& per templum *Virtutis* ad templum *Honoris*
Quò se Cœlestis Sapientia duxerit, ire.

Namq; ad virtutem natus, virtutem coluit, vitæ fi-
nem huc direxit, & viuendo peruenit, vnaq; per
eam gradatim ad varios in Republica dignitatis ho-
nores. Vidit Diuus Stephanus Batthoreus bona
ipſius cum eum coram vidit: vidit dignitatem cor-
poris, eloquium oris, animi prudentiam: statimq;
Aulæ suæ in numerum *Secretariorum* adlegit; & pau-
lò post *Maiorem* Regni *Secretarium* fecit: vbi &
huic, & Sigismundo Tertio post hominum memo-
riam optimo, maximo, cæterisq; Principibus viris,
ob diligens in expediendis Regni, Regisq; nego-
tiis &

tiis, & legationibus officium, ita fuit carus, vix vt
quisquam vnus vni carior foret, quàm ille vnus vni-
uersis. Vfus enim acri circumspeditione, & non suâ
se, sed Principis fortunâ dimensus, omnia egit sine
iactantiâ, & retulit ad vsum Regni, ad vsum & fa-
mam Principis. O boni lubrica vestra vita, & via est,
nisi sic agitis, qui in *Aulâ* versamini. nihil rerum
mortalium tam instabile, & fluxum est, quàm poten-
tia non suâ vi nixa. Firma & stabilis fuit in nostro
PETRO TILICIO, quia ipsum ad maiorem dignita-
tem euexit, & *Referendarium* Regni creauit. Vbiq;
ille vigil, & diligens in suo officio; sed hîc etiam
æquitatis iustus arbiter, & pauperum egregius tu-
tor; siquidem in causa, aut oppressione eorum cum
Præfectis, & plerisq; Magnatibus inimicitias susce-
pit; & suâ fidē Regi, atq; omnibus Ordinibus, cum
maximâ gratiæ, & beneuolentiæ significatione tan-
toperè probauit, vt summis quibusq; honoribus di-
gnus iudicaretur. Et obtinuit. Creatus enim *Pro-*
cancellarius Regni, & in *Episcopam Culmen*. euectus,
simulq; in *Sanctius consilium* ac *Senatoriam dignita-*
tem, consilium, & leuamen fuit, Regi, Ioui illi, vt sic
dicam Pallas, atq; *Bono publico Custos*. Graues hîc
vtrimq; seriæq; ipsius curæ: quibus tamen cum suâ
in rebus agendis dexteritate, tum consilij pruden-
tiâ respondit. Munus enim Procancellariatus la-
boriosum,

boriosum, addam & inuidiosum; & in quo non dicam gratiam mereri; sed odium vitare, difficile est, multos annos ita sustinuit, vt industriam fidemq; Regi suam probauerit; & communiter omnibus integritatem, animumq; ab omni labe, aut corruptelâ immunem. Nimirum

Iustitiæ cultor, rigidi Seruator honesti,
honestum ————— prætulit vtili,
& *Reiecit alto dona nocentium*
vultu.

Mirum & breue, sed verum est: nulla re (ad vsum prouoco) quæcunq; Respublica magis floruit, floret, florebit, quàm immotâ iustitiâ: nulla re magis flaccescit, & deficit, quàm illâ tali Hanc noster TIRICIVS diligenter seruabat, & iudicia, iusq; sui officij tam exquisitè, sedulò, & pertinaciter exercebat, vt cum inter iudicandum cibi potusq; càperet oblitio; Collegasq; suos (Assessores appellant) aut totum diem detineret, aut fame victos, ipse inuictus compelleret abire. Quid multis? Publica famæ voce, res Sarmatiæ administrabat, tam abstinenter, quàm alienas, tam diligenter quàm suas, tam religiosè, quàm publicas, & quæ *Sacrum* illud *Nomen Patriæ* tangunt. Neque verò in tantis Regni negotijs officium boni *Pastoris*, aut curam gregis sibi commissi neglexit; sed ita expleuit, vt ab hoc in

Varmien. & Pomesaniæ Episcopatum tranſierit.
 Nunquam ignaua aut deſes eſt virtus : nullæ ipſi à
 præclaris actionibus feriæ : nullæ noſtro TILICIO.
 Statim hic pietatem cultumq; Diuinum auxit : Ca-
 tholicam Religionem multis in locis, à quibus exu-
 labat reſtituit : vigilantia, doctrinâ, vitæ ſanctimo-
 niâ, inſtar Herculis capita renaſcentis Hydræ, id eſt
 ſenſuum qui ſunt ab Orco reſecuit: diſciplinam ſta-
 biliuit in Clero : bona ſua, & exercendorum mune-
 rum ſuorum facultatem Eccleſiæ miniſtris reddidit:
 multorum animos, qui nutabant confirmauit ; at ſi-
 mul quoq; ſibi campum aperuit , ad maiorem Ho-
 noris dignitatē. Scilicet enim ab hac Epifcopa Var-
 mien. *Præpoſituraq; Miechouien.* quam ob res in
 Liuania à Carolo Sudermaniæ Duce turbatas, in
 ſubſidium tenuit , in Wladiflauien. & Pomeraniæ,
 ac demum in Cracouien. non ambitu, non largiti-
 one, ſed propriâ virtute tranſlatus eſt. Et quidem
 quod ad laudem eius magnum, ad honorem ſplen-
 didum, illuſtre ad gloriam, eâ omnium alacritate,
 approbatione, gratia, vt ante totius Sarmatiæ præ-
 iudicio, omnium Ordinum votis, omnis populi Po-
 loni propè dixerim ſuffragiis, Epifcopo Cracouien.
 & Dux Seuerien. fuerit, quàm Pontificis maximi
 iudicio , Regis prudentiſſimi voce declararetur.
 Reuera enim fuit Hercules, ſiue Atlas, qui fulciuit

Pauli V.
 Sigif. III.

Sar-

Sarmaticum istud Cœlum vtriusq; Reipub. Sacræ
& profanæ. Vidimus eum vidimus, vt Numam ali-
quem, aut Lycurgum Sacris humanisq; rebus, pacis
belliq; artibus, mixtum ac idoneum: & in duplici
munere, feliciter ac industriè, omnia sic, vt in vno
alius, obeuntem. Sanè verò quis nescit, nostrum
TILICIVM per plures annos in omni Diœcesi sua
Sacræ & Religionem direxisse, defendisse, propagas-
se? idq; cû curâ, industriâ, prudentiâ, vt exemplū,
à nemine accepisse, posteris tradidisse, ab æquis pe-
ritisq; arbitris iudicetur. Etsi arbitrio aut testimo-
nio quid opus? res ipsa vociferatur, & tota Sarmacia,
quæ confusa ante, aut tenebrosa, vbi PETRI TI-
LICII sibi lumen affulsit, mutata in melius, antiquâ
pietatem, spondere sibi semper ausa. Etenim Re-
ligionem Catholicam Romanam *in cuius gremio mori* E testamen-
ri felicius est, quàm ab initio nasci; cum non nasci sa- to Ioan: Za-
tius sit, quàm in hac non mori. fortiter, & constanter moscii virii
iuit assertum, ac propagatum aduersus impuros Hæ- incompara-
reseos fædissimæ Gigantes, dum conatibus eorum bilis.
nefarijs, cum vbiq; tum vel maximè in Comitibus a-
criter obstitit, fœderis initionem disuasit, audaciam
repressit, ferocitatem inuicti animi robore fregit.
Amplius: omnia summo studio fecit, quæ ad boni
& inculpati Pastoris, ac Præsulis officium pertinent.
Namq; ad præscriptum *Concilij Tridentini*, omnia

reuocauit: omnē penitus munerū Ecclesiasticorum
 sustulit nundinationem: diffuentes Clericorum
 mores, seueris coercuit legibus: refrenauit libidi-
 nes: cohibuit luxuriam: expulit nequitiae instru-
 menta: Religiosorum coetus correxit, & auxit: Xe-
 nodochia Scholasq; erexit: Aras, & templa instau-
 ruit, aut noua instituit. Vis maiorem fidem? Am-
 plissima & sumptuosissima *Aedes Coualien.* in lau-
 dem Dei Diuorumq; exstructa, & magnificè dotata
 loquitur. Loquitur (vt alia taceam) & hoc Sacel-
 lum; imò tota *Ecclesia Cathedralis Cracouien.* inte-
 riùs, & exteriùs, splendidum ad nitorem restituta, an-
 dicam restituenda? magnam ipsius in Deum pieta-
 tem, magnum, & feruens in Religionem studium.
 O vos qui gradu illi similes idem sapite, idem faci-
 te. Religionem Catholicam vnā, à qua est vincu-
 lum rerum, & *Societatis Publicæ* (nam ab innouatā
 dissidiorum faces, & Scepbris periculum, aut interi-
 tus) asserite. Sic enim beneficū illud *Numen* pro-
 pitium experiemini, quod nostro *TILICIO* semper
 adstitit, amicè rexit; etiam externā istā felicitate
 auxit: quia & ipse simul cum *Pietate* verā, *Patriam*
 ornauit, defendit, auxit. Reuera enim ratus

Vnum Au-
 gurium o-
 ptimum pu-
 gnare pro
 Patria.

Εἰς ὁμῶδες ἀπὸ τοῦ ἀνελκόμενου περὶ πατρὸς;

se q; Reipub. esse autumans, non suam Rempub.
 nihil salute Patriæ antiquius esse duxit, ac omnium
 nostrum

nostrum vitam suâ industriâ, sartam tectam seruare
studuit; & illud quasi in fronte impressum gerens:
SALVTEM POPVLI LEGEM SVPREMAM esse, le-
gum integritatem, & veræ libertatis securitatem,
vitæ suæ anteposuit. Diuinitas profectò quædam
fuit hæc in eo dignitas Senatoria, quam sustinuit
cnn fauore, laude, plausu. Namq; fidus, rerum ho-
minumq; peritus, salutaria suggestit *Pace* siue *Bello*,
cum neq; prauâ ambitione in dicendâ sententiâ
blandiri potuit, neq; *Spe*, aut *Metu* à recto, & ho-
nesto deterreri; semper inquam salutaria suggestit.

Nam consulta Patrum, nam leges iurâ; seruans
ad mentem Demosthenis, dum *navis Reipub. fuit* Philip. 2.
Tacit. 2
Hist.
salua, promptè consuluit, & provide: seriò, & non pro-
peranter: bona enim consilia morâ valescere sciuit.
Meherclè verò fortis apud eum non obnoxia sen-
tentia, quod magnum in Senatore atq; vtile munus,
vt ad mentem Solonis *συμβελῇ μὴ τὰ ὑδίσαι, ἀλλὰ τὰ* Consulat nō
suauissima
sed vtilis-
ma.
κάλισαι. Ipse fecit, sed constanter, quia vacillatio, sen-
tentiam mutantium est certum signum incertæ
mentis: nunquam tamen, vt verbo dicam, cursum
eundem tenuit, sed portum, qui est *Salus Publici*
Boni. Prudens Nauclerus non semper eò dirigit
nauem quò cursum instituit, sed quò tempestas cō-
cedit: Noster idem semper spectabat, sed vela con-
siliorum suorum ad flatum temporum compone-
bat.

bat. In hoc verò vel maximè excelluit, quod procul ab eo fuerit rei suæ studium, vtpotè qui censuit, præcipuum veri iudicii venenum, atq; interitum Reipub. *suam cuiq; utilitatem*, Docuerunt Athenæ olim sub triginta Tyrannis afflicta: Docuit Polonia bis sub duodecim Palatinis;

Dum sua quisq; petit, sua quærit.

Paucis dico cum multi certamen plerunq; adulationis certent, adeò vt *Placentini* aut *Laudenses* ferè totum hoc genus, pauci *Veronenses* noster *TILICIVS* inter eos fuit primus, & Princeps in *Quiete*, Quid in *Motu*? etiam hîc Patriæ, boniq; Publici integritas, & Salus, ipsi scopus. Motum vidimus nostra ætate ciuilem: vidimus

1607.

1608.

parentes

Lucan. lib.

6.

Frontibus aduersis, fraternaq; cominus arma

Cognatasq; acies:

1612. &

1613.

Vidimus postea milites in omne fas nefasq;, audos, aut venales, similes Harpyiarum, non Sacro non profano abstinentes: vidimus homines quosdam maioris animi, quàm consilij, vno veluti filo appendisse *Publicam Salutem*; & omnia sic turbasse, vt pars consilij censeretur, non se miscuisse consiliis, miscuit se noster *TILICIVS* mente, linguâ, factis, ac iunxit gregi suo, id est bonis, Regiq; suo; & in subductione, aut quiete aliorum, manum ad cla-

ad clauum porrexit; *sed cum hac lege ut consilia sua, Pacis & Togæ socia, non belli atq; armorum essent. O virum! O ciuem! Post illas tempestates, suo consilio magna ex parte,*

disiecit nimbos Solemq; reduxit.

Felicem res sortita finem, totius belli stamen, ac subtemen, eius prudentiâ abruptum est, & motus ciuilis incendium, Salute Patriæ restinctum. Istud profectò est, istud verè sapientem esse. exercere, & ostendere in Sole, atq; opere quæ aliis in vmbra & ocio differuntur: hoc decus est æternum, sese vulgi sensibus subductum

Stellis inserere, & consilio Iouis.

Et fecit mehercle noster, cum suâ propemodum Diuinâ prudentiâ rerumq; vsu, tum incredibili eloquio. Quod enim Homerus de suo Vlysse ego de

illo Τῆ καὶ ἀπὸ γλωττης μελιτὸς γλυκίων ῥέεν ἀυδῆ. Huius ab ore melle dulcio: fluebat oratio. Testes vos appello Senatores optimi, testes & vos Equites Poloni qui publicè, & priuatim multis ab-

hinc annis in sermone congressuq; iucundum & suauem: in grauib; rerum deliberationibus pondere scientiarû imbutam, copiosam, ornatam, profluentem orationem eius auribus excipientes ab ore, cum voluptate, atq; admiratione pendebatis. Testem te Sigismunde Rex Sapientissime, qui sententiam dicentis summa cum attentione excipie-

D

bas,

bas, & omnia Reipublicæ seria negotia ex consilio prudentissimi instituebas. Testem te Summe Sacrorum Antistes. PAVLE V. Pontifex Romane qui perspectam habens eximiam TILICI vitæ integritatem, perpetuum Ecclesiæ purgandæ studium, labores in extirpandis Hæresibus susceptos, animum deniq; nihil nisi de Deo, & vtilitate publica cogitantem, Apostolicâ & paternâ admonitione eum compellabas, etiam nunc in extremo vitæ ipsius puncto, vt singulis deliberationibus, & Comitiiis adesset, diligenterq; videret, ne quid Respublica detrimenti caperet. Verè illud vsurpem de ipso

Effectus ex

Ioue ram9.

Gratiarum

sacra propa

go.

Omnibus

virtutibus

excultus.

Πεπλάσμενον ἐκ Διὸς ἔργος.

Et illud Siculi Vatis: Χαρίτεν ἱερὸν Φύτον

Quid ni? fuit πανταίης ἀρετῇσι κεκάσμενος; & in quem

vt Zeuxis in suam Venerem, aut Phydias in Clypeum Mineruæ natura contulisset, quicquid rari vsquam, & vnquam sortita. Etenim ad has virtutes Heroicas, accesserat, & illa Diua, quæ lenit, & feruat it, eos ipsos qui se perdunt. Plerumq; læsus pulchrum censuit, parcere afflictois,

Et abstinere, tempus atq; iræ dare.

Nullius rei facilius obliuiscébatur, quàm iniuriarum: fuit hæc quodam modo propria eius vindicta, hostes beneficiis suis cumulasse; & si aliquando, ultionem sibi ex aliquo sumendam esse putauit,

non

non ulterius progressum esse, quàm, ut qui offendisset, intelligeret se offendisse. Fortunam magnam, magnus decet animus, cuius proprium est placidum esse, tranquillumq; , & iniurias, atq; offensiones, supernè despiciere. At hic simul magnus erat æquitatis amator. ius enim, & æquum, in se inq; aliis, firmiter seruauit, & illud barbarum à barbaro : *In magnâ fortuna id æquius, quod validius, semper spreuit, solaq; credidit licere sibi laudanda; quia ut sapienter Tragicus vates*

Tacit. 15.
Annal.

Minimùm decet libère, cui nimium licet.

His succreuit illa, quæ rara Magnis pedissequa Modestia, (cum in altâ fortunâ non abripi licentiæ ventis difficile sit) illi tam familiaris, tamq; amica, ut meritis, virtute, dignitate, supra omnes, suo sensu vel infra se fuerit : quia sciuit quantò quisq; plura adeptus est, tantò magis ipsum esse in lubrico ; hinc nihil insolens, vel gloriosum protulit, & sensum de se suisq; temperauit ; imò actionem ; & sermonem, qui illi grauis, atq; paucus, sed idem prudens ; siquidem omnia dixerit, & suscepit circumspectè, id est feliciter : *plerumq; enim omnia summa Lii: lib: 5: ratione gesta, fortuna sequitur.* Hinc cultus decens, & sobrius, cum turpe duxerit viro, laudes captare ex corpore, *δοκῶ ἐν θεῶν τιμῇ, καὶ χάρις συμπάρεπται ἀνδρὶ ἀρχόντι,* *videtur à Deo honor* vel maximè nostrum *TILICIVM qui & gratia!* *mode-*

comitarini⁴ modestus fuit, etiam in comitatu, victu, omni suâ vi-
rum princ^{is} tã. Splendidus quidem erat in tractandis Publicis,
pem. & magnificus: luxum tamen gentis nostræ, & mol-
litiem vehemenrer reprehendebat. Sic reuera no-
ster Episcopus modestiam habuit; sed neq; à graui-
tate abiuit. Illâ enim saluâ hanc, & auctoritatem
insertam habuit, in vultu, in verbis, in factis; simulq;
comitatem, & humanitatem: illas venerabiles; istas
amabiles, adeò, vt nemo sit, aut fuerit, in quem Sar-
matia nostrâ, duplici isto affectu magis ferretur, *Ve-
nerationis* pariter, & *Amoris*. In querimoniis audi-
endis, omnibus etiam infimæ conditionis homini-
bus, ad se aditum patere voluit: neq; eos abigi, aut
remoueri passus est: sed ita abire; vt multi ab eo di-
gressi, rem ipsam quasi manibus compressam, tene-
re viderentur. Quid aliæ virtutes quas hîc velut
stellas spargo, & defigo (sit fas ita loqui) in Supremi
Capitis huius coelo? Simile. In omni pudicitia in-
ternâ & externâ clarus: nihil fecit molliter, aut di-
xit: nullum verbum obscænum, nec in cubiculo
quidem penitiori, ex ore eius auditum: diligenter
cauebat, ne se induendo, aut exuendo, quâ minùs
parte deceret, nudaret. Perplacet sanè illud ab ore
veritatis viri Sancti: *Pudicitia est virtus, quæ comi-
tem habet fortitudinem.* verùm enim fuit in nostro
Ciuic, Dei. ANTISTITE, quia par vtriq; fortunæ fuit. Flauit,
ac re-

ac reflauit ipsi fortuna, & semper

Rebus angustis animosus, atq;

Exitit fortis : sapienter idem

Vela contraxit, nimum secundo

Turgida vento.

Quisquis es, tale adama robur animi, quod si semel imbibisti, altus, & erectus contra omnem casum stabis, & vindicabis tibi illud: NON MOVERI. Iam naturâ, ac educatione sobrius, luxuiq; infensus, temulentiâ vehementer detestabatur, eamq; in omni statu, sexu, ætate, vitiorum ianuam, aut sentinam compellans, rem exemplis suadebat, rationibus docebat; & ideo nunquam ipse ebrius visus. In diuitiis porro maius quiddam est, quam imperiti suspicentur, rectum cursum tenere: tenuit ille, quia prudenter ab his, mentem ad altiora natam auocauit. habuit opes, habuit

artemq; fruendi.

Quid enim eius Magnificentiam memorem, quam Patriæ afflictæ in omni necessitate, aut discrimine, vberimè præstitam videbit Posteritas in ACTIS ÆTERNITATIS? Quid liberalitatem incoetus Religiosorum, in Sapientiæ Studiosos, in Pauperes & egentes loquar? adeo largiter, & perenniter in omnes fluxit (quamuis cum iudicio & modo, nam nimis hauriendo fontem ipsum exhauris) vt Deum

quemdam terrestrem ad benefaciendum generi humano, è coelo missum, veneremur. Videte rem non verba. E Sueciâ (in quâ comes fuit Sigismundo Regi) inter alias res suas in Poloniam missas, à Suecis in mari direptas, Naclerus surreptis bis mille sexcentis sex florenis, aufugit. cæterum tempestate ferè tres menses, in mari iactatus, tandem appulit Gedanum, sub hoc idem tempus, quo & noster TILICIVS; sed hic in littore sopitus, somnio edoctus est, pecuniam sibi restitutum iri. Res illa certa, & ista rata fuit, fidem etiam ab euentu habuit. euigilat, inquirit, reperit, & totum penitus quicquid id pecuniæ fuit, in pauperes, in Xenodochia distribuit. Nec absimilis reliquo vitæ suæ cursu fuit: nullum diem prætermisit, quin pauperibus & Religiosis suæ liberalitatis egentibus, prouiderit; hinc quasi annum quemdam censum, quotannis, & Monasteriis, & Literarum Studiosis, & Xenodochiis, Eleemosynam erogabat; vitæq; functus, fecit erogari, quod *Fama Posthuma* gratâ memoriâ testabitur. Nec ista in gratiam aut gloriam. Deo soli, & vsibus humanis imputabat: & fructum beneficii vnum censebat, FECISSE. O rarum mirumq; virum! vt stellæ in coelo lucent, hoc tantum vt luceant: sic ille naturâ, & inclinatione beneficus, sine alia affectatione, aut adspectu, promptissimo, ad
opem

opem ferendam animo fuit, siue quis auxilio, siue consilio indigeret. Vidimus, & nouimus multos ab eo beneficiis auctos, ac cumulosos. Vidimus singularem eius amorem in suos. Incredibile enim est quantum illis bene fecit, bene voluit. Cæterum in hos, & omnes domesticos, ac familiares suos, tantâ erat facilitate, ac comitate, vt communis videretur omnium parens. Cum eis familiarissimè colloquebatur, vrbanius iocabatur, peccantes paternâ, potius caritate corripbat, quàm herili imperio. Illud verò illud, vt rarû, ita magnum, & pulchrum, id est amorem innatum in *Honas Musas, & scientias*, nulla vnquam annorum series delebit; cum per has iuerit ad nomen immortalitatis. Quis illas calidiùs habuit, & intentiùs? Quicquid temporis à publicis negotijs vacui dabatur, huc conferebat. Quis doctos, aut excultos literis ardentius amauit? Quis largiùs, aut prolixiùs fouit? Quis doctrinæ titulum in Polonia sibi inscripsit, & eius Patronum non ascripsit? Prodite vos ô *ACADEMICI* mei, nonne vestris disputationibus epulas condiebat, in eisq; audiendis, tempus à curis liberum, studiosissimè collocabat? Domum medius fidius suam æternum voluit esse ingeniosorum perfugium, Musarum, & Sapientiæ sedem, quia & te talem ô *ACADEMIA* mea, quæ religionem vnâ eamq; veram
ad hoc

ad hoc æui, inter ruinas, aut lapsus aliarum, etiam
inter ciuiles istas procellas, & communem pæne
dicam Europæ furorem inuiolatam, contra omnes
natos ab Orco sensus, aut dissensus in Deum, vel de
Deo, Diuisq; conseruasti,

*Et protulisti germine insignes viros,
Auxilia, vel consilia Publicæ Rei*

1615.

vehementer amabat, incolumitati tuæ, atq; honori
prudentiâ suâ, & vigilantia, tanquam ex altâ specu-
lâ, prouidebat, ne quid imminutionis, aut detri-
menti caperes. Memini anno superiori, eum, dum
ipsius redditum à Comitij læti lubêtesq; excipimus,
cùm multa de tuo splendore, & integritate retinen-
dâ dixisset, hæc addidisse. *Ego quæ muneris mei
sunt, diligenter pro vobis excubo ACADEMICI mei;
neq; quicquam dum viuo, aut spiro patior vestris immu-
nitatibus imminui, aut patiar: sed agite quoniam con-
tra vos occulta agitantur consilia, aut subuersio, serio
vigilate.* Nota ô ACADEMIA, & perpende verba tui
prudentissimi CANCELLARI: perpende animitus,
atq; pro te continenter excuba, vt aduersariorum
infringas conatus, & feliciter floreas, quâ ille quàm
florentissimam semper esse voluit, dum & PVBLICVM
ORATOREM in tuo domicilio annuo, eoq; libera-
li stipendio instituit. Vidit, vidit vir prudentissi-
mus, *Literarum & Sapientiæ inprimisq; Eloquentiæ
studiis*

Studiis imperia crescere, & florescere: vidit quæ, & qualis sis, multis abhinc annis, cum hîc olim hausit suauem, atq; vtilem doctrinæ liquorem: vidit internos animi tui sensus, in hac præsertim pertinaci, & candida assiduitate erudiendæ iuuentutis in ornamentum, & vsum Reipub. solâ ferè mercede à conscientia; proindeq; dictis & factis, pro aris honore salute tuâ, cum liuore calumniantium, aut occultas molientium insidias, acerrimè depugnauit. Ah utinam plures illi similes; præsertim quos Deus vicem suam fungi voluit in terris! non verear dicere illorum ornamento, Reipub. præsidio, id fore; & felicius administratum quædam iri. Sed ad meum reuenio Episcopum, cuius aureos mores non melius quàm Poëtæ verbis descripserim;

———— *fœcunda quies, virtusq; serena,
Fronte grauis, sœuusq; decor, luxuq; carentes
Deliciæ:*

Addo. imperatorio vultu, patulâ fronte, viuidis oculis, & ore prono in humanitatem, ac misericordiam, nobilis & notus. Totus integer, amans pacis, & concordia, verax, apertus, & sine fūco,

Qualis Apelleix est color in tabulis,
ob suas Diuinas virtutes, quibus vt floridū aliquod pratum, aut Alcinoi hortus variè nitebat. Tota vita ipsius nihil nisi probitas, & rectitudo, adeò in fa-

E

ctis non

etis non obliquus, vt nec in verbis. Vno hoc nimius, & immoderatus, quod in se, etiam in hac senili ætate, asper, & durus. non nox curis soluta: nõ laboribus dies liber: non mensa aliquã molestiã. Aut Sacris

Aut curam impendit Populis, aut ocia Musis.

Neq; tamen preces consuetas, cultumq; in Deum, & Diuos inter hæc negligebat. Non hîc in frequentissimis eius, laudibus, & precibus Deo fuis, prodignitate explicandis immoror: in quibus non solum diurni temporis magnam partem collocabat, sed etiam nocturnæ quietis. Purissima mens eius contemplatione, veluti pennis in cœlum, ita sese attollebat, vt soli Deo inhærens sui panẽ obliuisceretur. Nullum diem abire passus est, quin sacrosanctum MISSÆ officium summâ cû attentione, & reuerentiã, audiuerit; aut ipse singulis diebus festis fecerit; & sanẽ ita, vt prius precibus, contemplationi, lacrymis vnã, aut alterã horam tribueret. Munus EPISCOPI aliquod solenne obiturus, pridie se inedia afflixit; immò precibus, votis, lacrymis, vt quod sanctẽ pieq; instituebat, ritẽ & feliciter exqueretur *Nomini & cultui Diuino* propagando; *ti- etati & Sanctimonie* augendæ. Accedebat ad feruens precum studium voluntaria vitæ austeritas, vt ieiunium, & abstinentia, interioris vestitus asperitas, le-

tas, lectus in humo nuda, cùm singulis diebus mō-
ti REDEMPTORIS nostri dicatis, tūm peruigilijs
Diutorum Petri, Pauli, Stanislai, Patronorum; pecu-
liter verò DIVAE Diuarum

Quæ magni genus est Dei;

Cui Deus ipse

Imputat genus, & suam

Inscribit sibi Matrem,

cuius à primâ adolescentiâ âmorem & cultum in-
duerat, eamq; Patronam sibi, & ducem in periculis,
in molestijs, in omni vitæ cursu, felici successu ele-
gerat. His, & antea actis omnibus *Publicis, & Priua-
tis* Diuinis dotibus suis, rapuit omnem *Sarmatiam*,
aut potius *Orbem terrarum*, in affectum, & ad spectū
sui; sed etiam neglectu quodam pio, humanorum.
Cum enim ipsi in hac ætate veneranda Senili. A R-
CHIEPISCOPATUS Gnesnen. Principatus Sacro-
rum, Primatus Regni deferretur, non acceptauit,
non contemptu aliquo: sed Diuinorum, & cœlesti-
um amore. Aliam ille iam tum dignitatem, alios
honores, in alto & firmo illo loco spectauit, vbi *nul-
la serenum umbra turbabit*. Omnia humana, minuta,
magna, infima, ab omni æuo corruunt, & corruent
in omne æuum,

————— *Summisq; negatum*
Stare diu:

E 2

& ideo

& ideò mentem flexerat, ad Magnam illam Mundi
MENTEM, quæ nihil hîc voluit firmû præter ipsam.
Cœlo profectò, & cœlestibus mox fruiturus, cœlum
& cœlestia cogitauit. ab hoc Sarcophago discite,
quem vbi Episcopus Cracouien. esse cœpit, sibi su-
perstruxit; & in eo sui ipsius osculantis pedes CHRIS-
TI IESV, Seruatoris sui, imaginem. Cæterùm cum
iam diem sui abitus præsentiret Cracouiam redit,
& hîc expectat quid de se Magnus ille ARBITER
Mundi statuatur. III. Non. Quintil. è morbo, om-
nem Medicorum industriam fallente TILICIO agrè
esse cœpit. Mensis Anni Iulius erat, qui calore &
æstu commotior morborum periculis, aut mortali-
tatis damnis, solet esse, famosus. Noster licet iam
ab annis vernaculâ quasi valetudine tentaretur; ta-
men ista fallere non potuit suspicacem, & in ipsam
iam mortem propendentem, diu antea ex sapientiâ
animum, qui sciebat: *Non magno apparatu, aut ex-
quisita molitione opus esse, vt corporis atq; animi infir-
mo vinculo coherens societas dirimatur.* Itaq; tunc
malum in dies ingrauescere: color, calor, vires &
vita, labascere: deniq; lecto TILICIVM affigere,
hoc est leto assignare. Morbi statim inualescens
principio, prima illi cura fuit Sacris, Pœnitentiæ,
Eucharistiæ, Extremæ vnctionis, purgari, muniri,
foueri mysterijs; sed & suis benè in habitu dicere.

Ego

*Ego iam à vobis auellor o filioli mei, aut abeo, & vestris
 precibus cupio iuuari. non quidem omnium vestrum,
 vt volui optatis respondi; sed PROVIDENTIAE id tri-
 buite & fato, cuius lege abeo. Deus ille Parens &
 Dominus omnium nostrum, quod non potui vobis sup-
 plect, ac prosperet. Neq; dubitate, prosperabit, saltem
 illi cum timore & tremore seruite: Religionem au-
 tam, à quâ saluâ omnia bona fluunt; neglectâ con-
 dunt omnia, castè colite: probitatem re exprimate &
 factis: Patriæ & Reipublicæ prospicite. Quid plu-
 m? valete iam filioli mei, valete, & viuite concor-
 diter in Ecclesiæ Catholicæ vestrum, & Patriæ bo-
 num. Hic iam quam olim cum Augusto ἐν θάλασσᾳ
 sibi exoptare consueuerat, liberum etiam in illâ ne-
 cessitate, & intrepidum animum. vtrumq; votis ac-
 cidit. nam aliquot tātū diebus summum hoc egit
 MORI. cum adiumenta sic vitæ prius omnia, vt
 oīm blandimenta spreuisset. Animi firmitudinem
 non ab humanis, aut mundanis, quorum neq; vllum
 omnino verbum fecerit, aut voluerit audire; sed à
 Diuinis perficiebat. illud toties ad verba viri incō-
 parabilis Reueren. Sebastiani Nucerini Canonici
 Scarbimirien. magno spiritu subiiciens: *Domine IESV,*
qui auges dolorem, auge patientiam Christianam. cu-
 ius & imaginem CRUCIFIXI sæpius dissuauatus
 CHRISTE inquit, IESV PATER mi, ne tantus tuus*

labor sit cassus, Sanguis ille tuus preciosus in Passione abundè effusus, in me deriuetur; & adsit mihi cum omni æternitate decertanti in hac horâ, à quâ æterna salus animæ meæ dependet. Deniq; vno in pietatis actu piorum precibus incessabiliter expetitis ipse etiam (ægrè licet) ad pias supplicationes, iam fugientes vitæ vires, reuocare; etsi quispiam religiosè Psalmos Davidicos recitasset, renidere ille, & in altum oculis manibusq; moribundus sublatis cum eo pergere, aut ipse piè precari, & perficere. Illa ipsa suprema sibi nocte tantâ fuit animi corporisq; tranquillitate, vt **TILICIO** patiente, alium ibi non loquentem, non querentem, non suspirantem torqueri crederemus, aut ipsum vitæ restitui. Sed enim immutabilem *Providentiæ* legem non fas mutari. sub exortum Solis, Idib. Quintil. Diuæ Margaretae Virgini, & Maryri dicatis, Sol noster, & Margareta Regni, acceptis omnibus **GRATIIS**, & Indulgētiis, Sanctum, & Salutare **NOMEN IESU** voce non amplius reuocāda inuocans, & Spiritum **DEO** suo cōmendans feliciter è vitâ excessit.

Ah nobis infeliciter excessit Maximus Optimusq; virorum.

O dolor, ô lacrymæ adeste. voluptas, & lætitia abeste. qui vidistis, qui audistis, qui amastis, **PETRUM TILICIVM**; & quibus ille bene, fecit bene voluit.

Ferite

Ferite palmis pectora, & planctus date.

Occidit PETRVS TILICIVS Antistes, & Mystes diuinus. Dole Religio: luge Sarmatia: omnis Ordo Sexus, Ætas plāgite: moere ACADEMIA: flete TILICII. Occidit Episcopus diligens, Senator prudēs, Religionis propugnator, exemplar pietatis, præsidium pauperum, bonorū columna, Mecœnas eruditorum, & quem, aut propter studium in Rempub. PATREM PATRIÆ, sicut apud Romanos olim Fabios vel Camillos: aut propter mansuetudinem, & humanitatem DELICIAS GENERIS HVMANI, sicut inter Imperatores Titū Vespasianum, vel Traianum: aut propter consilium MENTEM PATRIÆ, sicut apud Troianos Æneam possis cognominare. Occidit HEROS Magnus quem virtus nascentem excepit, doctrina natum excoluit, modestia supra æquales extulit: in cuius amore omnes boni inuidiā frustra inuidente, conspirârunt: quem merita ad omnes dignitatis, & honoris gradus quos fas fuit mereri per genus suæ vitæ, aut mentem volentis, euexerunt. Sol ille Sarmatiæ olim in ortu Solis exortus, nunc in ortu Solis occidit. Eheu iacet ille qui te ò Polonia iacentem semper erigebat. dum

*in omnitempore
In munere omni Nestorem se præbuit
Lingua atque mente.*

Iacet

Iacet ex animis, qui tibi casu aliquo exanimatæ animi addere solebat. O Fata in hoc tali casu fanda, & ploranda! Sacrorum Princeps, Ecclesiæ: Senator, Reipub. occidit, qui domi forisq̃ probauit suum ingenium, iudicium, eruditionem, candorem, liberalitatem, animi magnitudinem, prudentiam, sapientiam; in omnibus vt paucis dicam, **TILICIVM**, id est omnis perfectionis apicem, hominis Phœnicem, Rei literariæ Principem, virtutis Dictatorem. Sed quid ago? dum elogium orno, dolorem exulcero. laudibus lacrymæ ciente semel repressæ. Aliò verba flecto; & huc potissimum, vt ferio eum viuere discamus, quem lugemus? Absit ergo dolor. Etenim

*Si fas viuendo Cœlestia scandere, cuiquam est,
Huic soli cœli maxima porta patet.*

D. Paulus
ad Tit. 1.
1. Tim:
c. 8.

Pietate namq; in Deū, amore in patriam, beneficentia in omnes, & illis quas Doctor noster in suo Antistite requirit, virtutibus, prudentiâ, doctrinâ, morum integritate, innocentia, fide, fideiq; propagandæ feruente studio, mansuetudine, iustitiâ, sanctitate, pudicitia, aliisq;,, omnibus excellentibus, omnibus eximiis,

Innixus arces attigit igneas;
& abiectâ hac mortalitatis sarcinâ ad originem sui reuersus, viuit. viuit, & supra omnem inuidiæ nubem

ben positus famâ fruitur, quam meruit, felicitate
quam quæsiuit. Non cum sumit quis animam, in-
cipit viuere, sed cum ponit, aut potius reponit. nam
quem nos vltimum vitæ diem vocamus, nouæ &
duraturæ natalis est; ideoq; sapiētissimo ritu Thra-
ces olim hominum dies *Natales* luctu, & eiulatu;
exequias gaudio, & alacritate prosecuti. Immorta-
les animæ liberum, & sine labe diem habēt in quie-
te, & illo puro Sereno, cum sine labe emigrârunt.
Habet noster TILICIVS. nam vitæ suæ iter rectè
iniuit, rectè peregit, & ex hac ad meliorem in Ca-
tholicæ religionis pio sensu, pio ritu, piè vt par est,
Sacramentis munitus placide abiit.

Absint inani funere nenie

Luctus; turpes, & querimonie.


Noster TILICIVS, non lugere, lætari nos iubet;
tamen à leto: quia verè lætari, à leto ipse cœpit,
vbi confidimus, & vouemus. Quare non lacrymas,
sed flores spargite, & tumultum TILICII hortulum
facite. cubent frigida ossa inter odorum snauitates.

Deniq; dicite. Vale, vale, vale PETRE TILI-
CI, qui nobis præiūisti, nos cum fatalis
noster dies venerit, læti
sequemur.

FEGI & PLANXI.



Sacramentum unitatis placide abire.
 tholicis rebus pio sensu, pio ritu, pio ut par est,
 inuicem reuerentia, & ex hac ad meliorem in Coe-
 lorum portum Transitum. Nam vires sine iter recte
 est, & illo portu sereno, cum hac pace emigrantur.
 les animas liberant, & ite habet in dui-
 exequijs gaudio, & alacritate prosecuti. Immort-
 ces olim hominum dies, & iustitia;
 duratur, patris est; id est; iustissimo ritu Thra-
 quum nos vltimum vires diem vocamus, non &
 cipit videret, cum poat, aut potius respondit. Nam
 quum durauit. Non cum iunxit deus animam, in-
 dem potius iam, tantum, quam moritur; felicitate


 JAGELLONICA

Noster, dicitur, Vale, vale, vale
 et qui nobis precium, nos cum talis
 noster, dies venerit, fiat
 sedemus.

